



REPUBLIKA E SHQIPËRISË

KOMISIONERI PËR MBIKËQYRJEN E SHËRBIMIT CIVIL

Nr. 213/4 prot.

Tiranë, më 13.04.2018

VENDIM

Nr.23, datë 13.04.2018

PËR

**PËRFUNDIMIN E PROCESIT TË VERIFIKIMIT TË EKZEKUTIMIT TË
VENDIMIT TË KOMISIONERIT NR. 101, DATË 13.09.2016, NË
INSTITUCIONIN AGJENCIA KOMBËTARE E BREGDETIT**

Në mbështetje të kompetencave ligjore të parashikuara në nenet 11, pika 1 dhe 14 të ligjit nr. 152/2013, “Për nëpunësin civil”, i ndryshuar, dhe Rregulloren, “Mbi procedurat e mbikëqyrjes/inspektimit”, miratuar me Vendimin Nr. 17, datë 11.03.2015, të Komisionerit për Mbikëqyrjen e Shërbimit Civil, pas shqyrtimit të relacionit dhe mendimit paraprak të Drejtorisë së Çështjeve Juridike dhe Marrëdhënieve me Jashtë, në lidhje me verifikimin e zbatimit të Vendimit të Komisionerit Nr. 101, datë 13.09.2016, “Për miratimin e raportit përfundimtar të mbikëqyrjes së përgjithshme në institucionin Agjencia Kombëtare e Bregdetit”,

KONSTATOVA SE:

Me Vendimin nr. 16, datë 03.02.2016, “Për kryerjen e mbikëqyrjes në lidhje me zbatimin e ligjit në procesin e administrimit të shërbimit civil, në Agjencinë Kombëtare të Bregdetit”, filloi mbikëqyrja e përgjithshme në subjektin, Agjencia Kombëtare e Bregdetit. Ky proces është përmbyllur me Vendimin Nr. 101, datë 13.09.2016, “Për miratimin e raportit përfundimtar të mbikëqyrjes së përgjithshme në institucionin Agjencia Kombëtare e Bregdetit”, të Komisionerit në të cilin është vendosur:

1. Të miratoj raportin përfundimtar të mbikëqyrjes së përgjithshme në lidhje me administrimin e shërbimit civil në institucionin, Agjencia Kombëtare e Bregdetit, i cili është pjesë e këtij vendimi.
2. Njësia përgjegjëse (DAP), të revokojë aktet e deklarimit të statusit të punësimit, të cilat kanë dalë në kundërshtim me ligjin, si dhe të ndërpresë marrëdhënien e punës, në përputhje me kërkesat e nenit 67, të ligjit për nëpunësin civil, si dhe të

akteve nënligjore që rregullojnë këtë proces (VKM nr. 116, “Për statusin e nëpunësve dhe punonjësve aktualë...”, i ndryshuar), për rastet si më poshtë:

- Të revokohet akti nr. 3302/4, datë 30.10.2014, i Departamentit të Administratës Publike, që deklaron punonjësen ***** si nëpunës civil në periudhë prove, në pozicionin “Specialist në Sektorin e Zhvillimit Detar dhe Bregdetar” dhe të përfundojë marrëdhënia e punës me institucionin, në përputhje me kërkesat ligjore;
- Të revokohet akti nr. 3302/10, datë 30.10.2014, i Departamentit të Administratës Publike, që deklaron punonjësen ***** si nëpunës civil në periudhë prove, në pozicionin “Specialist Arkiv Protokoll, Burime Njerëzore” dhe të përfundojë marrëdhënia e punës me institucionin, në përputhje me kërkesat ligjore;
- Të revokohet akti nr. 3302/8, datë 30.10.2014, i Departamentit të Administratës Publike, që deklaron punonjësin ***** si nëpunës civil në periudhë prove, në pozicionin “Specialist, Dega Rajonale Durrës” dhe të përfundojë marrëdhënia e punës me institucionin, në përputhje me kërkesat ligjore;
- Të revokohet akti nr. 3302/3, datë 30.10.2014, i Departamentit të Administratës Publike, që deklaron punonjësen ***** si nëpunës civil në periudhë prove, në pozicionin “Specialist, Dega Rajonale Durrës” dhe të përfundojë marrëdhënia e punës me institucionin, në përputhje me kërkesat ligjore;
- Të revokohet akti nr. 3302/5, datë 30.10.2014, i Departamentit të Administratës Publike, që deklaron punonjësen ***** si nëpunës civil në periudhë prove, në pozicionin “Përgjegjës Sektori në Drejtorinë e Planifikimit Territorial dhe Menaxhimit të Zonave Bregdetare”, si dhe aktin nr. 4253/1, datë 25.09.2015, të Departamentit të Administratës Publike, që transferon këtë punonjëse në pozicionin “Titullar, në Dega Rajonale Sarandë” dhe të përfundojë marrëdhënia e punës me institucionin, në përputhje me kërkesat ligjore.

Njësia përgjegjëse, të kujdeset që këto pozicione, t’i shpallë vende vakante dhe t’i plotësojë nëpërmjet procedurës së konkurrimit të hapur, apo lëvizjes paralele dhe ngritjes në detyrë, sipas rastit, në përputhje me përcaktimet e ligjit nr. 152/2013, “Për nëpunësin civil”, i ndryshuar dhe akteve nënligjore, dalë në bazë e për zbatim të tij.

3. Për rregullimin e ligjshmërisë në administrimin e shërbimit civil në rastin e punonjësve *** të vepohet si më poshtë :**

- Të revokohet akti nr. 92/2, datë 08.02.2016, i titullarit të institucionit, “Për lirim nga shërbimi civil”, për punonjësen ***** si akt absolutisht i pavlefshëm.
- Njësia e burimeve njerëzore, të drejtojë procesin, duke u kujdesur që, personat e ngarkuar me ligj për kryerjen e procesit të vlerësimit të rezultateve individuale

në punë, në periudhë prove, për nëpunësen *****; të revokojnë “Formularin e vlerësimit”, të periudhës së provës, Janar 2015 - Janar 2016.

- Të bëhet rivlerësimi i kësaj nëpunëseje për periudhën e provës, në mënyrë objektive dhe të plotë, duke respektuar përcaktimet ligjore të nenit 62, të ligjit 152/2013, “Për nëpunësin civil”, i ndryshuar dhe të Vendimit nr. 109, datë 26.02.2014, të Këshillit të Ministrave, “Për vlerësimin e rezultateve në punë të nëpunësve civilë”, si më poshtë:
 - o Procedura e vlerësimit të rezultateve në punë duhet të respektojë të gjitha fazat përkatëse të vlerësimit si planifikimin, bisedimet e ndërmjetme dhe vlerësimin përfundimtar, duke u shoqëruar me dokumentacionin përkatës që materializon zhvillimin e këtyre fazave.
 - o Njëkohësisht formulari i vlerësimit duhet të përmbajë komentet përkatëse në të gjitha rubrikat e saj, për të identifikuar aftësitë dhe dobësitë e nëpunësit civil, për të cilin bëhet vlerësimi, në mënyrë që të sugjerohen trajnime dhe mundësi të tjera, për zhvillimin profesional të nëpunëses *****.
- Të revokohet akti i titullarit të institucionit të mbikëqyrur, nr. 6, datë 03.02.2016, “Për moskonfirmimin e statusit të nëpunësit civil të *****”, si akt absolutisht i pavlefshëm, i nxjerrë në kundërshtim me formën dhe procedurën e kërkuar nga ligji.
- 4. Njësia e menaxhimit të burimeve njerëzore të institucionit të mbikëqyrur, të plotësojë dosjet e personelit të çdo nëpunësi civil, sipas detyrave konkrete që janë lënë në Kapitullin nr. 9, të raportit përfundimtar të mbikëqyrjes, që do të jetë pjesë e këtij vendimi, si dhe të administrojë në dosjen e personelit dokumentet që mungojnë, të evidentuara në aneksin përkatës, që është pjesë e raportit.
- 5. Njësia e menaxhimit të burimeve njerëzore të institucionit të mbikëqyrur dhe njësia përgjegjëse (DAP), të marrin masat, sipas orientimeve që janë dhënë në kapitullin ku janë trajtuar dosjet e personelit, për të plotësuar dosjen e punonjësit *****; duke pasur parasysh edhe detyrimin që ka punonjësi në këtë rast, sipas lidhjes nr. 1, pika 3, germa “b”, të Vendimit nr. 117, datë 05.03.2014, të Këshillit të Ministrave, “Për përmbajtjen, procedurën dhe administrimin e dosjeve të personelit e të regjistrit qendror të personelit”, për të dorëzuar të gjitha të dhënat që provojnë edukimin e tij arsimor, të tilla si “Diploma e shkollës së lartë, lista e notave”, ose një dokument të barasvlerëshëm me diplomën, në formën e vërtetimit të lëshuar nga institucioni përkatës për arsimin e lartë, sipas përcaktimeve të nenit 91, pika 4, të ligjit nr. 80/2015, “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”.
- 6. Për kryerjen e këtyre veprimeve administrative, lihet afat **60** ditë nga marrja dijani për këtë vendim. Subjekti i mbikëqyrur, Agjencia Kombëtare e Bregdetit dhe njësia përgjegjëse (DAP) duhet të zbatojnë këtë vendim duke u bazuar në rekomandimet e dhëna në përmbajtjen e raportit.

Me qëllim verifikimin e zbatimit të detyrave të lëna në Vendimin paralajmërues, Komisioneri, me Vendimin nr. 12, datë 08.02.2017, “Për verifikimin e zbatimit të vendimit të Komisionerit nr. 101, datë 13.09.2016 dhe ligjshmërinë e veprimeve administrative të kryera nga institucioni i Agjencisë Kombëtare të Bregdetit, gjatë procesit të emërimeve, të kryera prej datës 01.03.2016 e në vazhdim”, filloi verifikimin në subjektin Agjencia Kombëtare e Bregdetit. Ky proces është përmbyllur me Vendimin Nr. 161, datë 13.07.2017, “Mbi përfundimin e procesit të verifikimit të zbatimit të Vendimit të Komisionerit Nr. 101, datë 13.09.2016, dhe ligjshmërisë së veprimeve administrative të kryera gjatë procesit të emërimeve nga institucioni i Agjencisë Kombëtare të Bregdetit, prej datës 01.03.2016 e në vazhdim”, të Komisionerit në të cilin është vendosur:

1. *Konstatimin e zbatimit të pjesshëm të rekomandimeve të Vendimit Nr. 101, datë 13.09.2016, “Për miratimin e raportit përfundimtar të mbikëqyrjes së përgjithshme në institucionin e Agjencisë Kombëtare të Bregdetit” nga ana e njësisë së menaxhimit të burimeve njerëzore të institucionit dhe njësisë përgjegjëse, Departamentit të Administratës Publike.*
2. *Verifikimin e mëtejshëm të pikës 2 të dispozitivit të Vendimit Nr. 101, datë 13.09.2016, për të cilën kërkohet reagimi i njësisë së menaxhimit të burimeve 7 njerëzore të institucionit dhe Njësisë Përgjegjëse, Departamentit të Administratës Publike.*

Bazuar në Autorizimin nr. 213, datë 31.01.2018, të miratuar nga Komisioneri, u krye verifikimi i mëtejshëm i Vendimit Nr. 101, datë 13.09.2016, si dhe rastet e emërimeve në kundërshtim me ligjin në pozicione pune pjesë e shërbimit civil në institucionin Agjencia Kombëtare e Bregdetit për periudhën Shkurt 2017 - Janar 2018.

Nga shqyrtimi i materialeve shkresore, të vëna në dispozicion të grupit të punës, konstatohet se nga ana e institucionit janë marrë masat e mëposhtme:

Në pikën 2 të vendimit paralajmërues, në të cilën Komisioneri i ka lënë detyrë njësisë së burimeve njerëzore të institucionit dhe njësisë përgjegjëse, Departamentit të Administratës Publike që të revokojnë aktet e deklarimit të statusit të punësimit, të dala në kundërshtim me ligjin dhe të ndërpresin marrëdhënien e punës për 5 punonjës, ky i fundit, me shkresën nr. 405 prot., datë 19.01.2017, “Njoftim”, ka informuar Komisionerin për Mbikëqyrjen e Shërbimit Civil se në zbatim të rekomandimeve të mësipërme, nuk rezultojnë më në këto pozicione pune punonjësit:

- ******, Specialist në Sektorin e Zhvillimit Detar dhe Bregdetar në Agjencinë Kombëtare të Bregdetit;
- ******, Specialist në Degën Rajonale Durrës, në Agjencinë Kombëtare të Bregdetit;

- ******, Specialist në Degën Rajonale Durrës, në Agjencinë Kombëtare të Bregdetit;
- ******, Përgjegjës Sektori në Drejtorinë e Planifikimit Territorial dhe Menaxhimit të Zonave Bregdetare, në Agjencinë Kombëtare të Bregdetit.

Nga këqyrja e listëpagesave për periudhën Shkurt 2017 – Janar 2018, konkludoj se punonjësit ***** dhe ******, nuk janë më në marrëdhënie pune me institucionin.

Për punonjësit ***** dhe ****** konstatoj se, pas kryerjes së procedurave të konkurrimit kanë rezultuar fitues dhe me aktet nr.1141 prot., datë 22.02.2017 dhe nr.1140 prot., datë 22.02.2017, janë emëruar respektivisht në pozicionet Specialist në Degën Rajonale Durrës, në Agjencinë Kombëtare të Bregdetit dhe titullar i Degës Rajonale të Agjencisë Kombëtare të Bregdetit Sarandë.

Rasti i punonjësës ***** është ezauruar gjatë procesit të verifikimit të përmbyllur me Vendimin Nr. 161, datë 13.07.2017, *“Mbi përfundimin e procesit të verifikimit të zbatimit të Vendimit të Komisionerit Nr. 101, datë 13.09.2016, dhe ligjshmërisë së veprimeve administrative të kryera gjatë procesit të emërimeve nga institucioni i Agjencisë Kombëtare të Bregdetit, prej datës 01.03.2016 e në vazhdim”*, të Komisionerit, në të cilin është konstatuar se kalimi i kësaj punonjëseje në pozicionin e Titullarit të Degës Rajonale Lezhë (me të njëjtën kategori page) nga Departamenti i Administratës Publike është kryer në respektim të nenit 26 të ligjit nr.152/2013, *“Për nëpunësin civil”*, i ndryshuar, si edhe në Kreun III të Vendimit nr. 242, datë 18.03.2015, të Këshillit të Ministrave, *“Për plotësimin e vendeve të lira në kategorinë e ulët dhe të mesme drejtuese”*.

Nga verifikimi i mënyrës së emërimeve në Agjencinë Kombëtare të Bregdetit për periudhën Shkurt 2017 – Janar 2018, nuk u evidentua asnjë rast i plotësuar në kundërshtim me kërkesat e ligjit nr. 152/2013, *“Për nëpunësin civil”*, i ndryshuar.

Në përfundim, konkludoj se:

- Nga ana e njësisë së burimeve njerëzore të institucionit të Agjencisë Kombëtare të Bregdetit janë zbatuar plotësisht rekomandimet e lëna në vendimin paralajmërues Nr. 101, datë 13.09.2016, *“Për miratimin e raportit përfundimtar të mbikëqyrjes së përgjithshme në institucionin Agjencia Kombëtare e Bregdetit”*.
- Gjatë periudhës objekt verifikimi, institucioni nuk ka plotësuar në asnjë rast pozicione pune të shërbimit civil, në kundërshtim me kërkesat e ligjit nr. 152/2013, *“Për nëpunësin civil”*, i ndryshuar

PËR KËTO ARSYE:

Bazuar në nenet 11, pika 1 dhe 14 të ligjit nr. 152/2013, “Për nëpunësin civil”, i ndryshuar; ligjin nr. 44/2015 “Kodi i procedurave Administrative i Republikës së Shqipërisë” dhe Rregulloren, “Mbi procedurat e mbikëqyrjes/inspektimit”, miratuar me Vendimin Nr. 17, datë 11.03.2015, të Komisionerit për Mbikëqyrjen e Shërbimit Civil,

VENDOSA:

1. Përfundimin e procesit të verifikimit të zbatimit të Vendimit Nr. 101, datë 13.09.2016, “Për miratimin e raportit përfundimtar të mbikëqyrjes së përgjithshme në institucionin Agjencia Kombëtare e Bregdetit”.
2. Konstatimin e rregullimit të ligjshmërisë nga ana e njësisë përgjegjëse të institucionit të Agjencisë Kombëtare të Bregdetit, duke zbatuar rekomandimet e Vendimit Nr. 101, datë 13.09.2016.
3. Konstatimin e ligjshmërisë së veprimeve administrative, të kryera gjatë procesit të emërimeve nga institucioni i Agjencisë Kombëtare të Bregdetit, prej muajit Shkurt 2017 deri në muajin Janar 2018.
4. Për këtë vendim të njoftohet institucioni i Agjencisë Kombëtare të Bregdetit, Sekretari i Përgjithshëm i Ministrisë së Turizmit dhe Mjedisit, Departamenti i Administratës Publike dhe të informohet Komisioni për Çështjet Ligjore, Administratën Publike dhe të Drejtat e Njeriut, në Kuvendin e Shqipërisë.

Ky vendim hyn në fuqi menjëherë.

KOMISIONERI

Pranvera Strakosha